



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 51. S. Nili Monasterium prope Cajetam.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

rem Papamque excusare non cessante, Sæculum X.  
S. Senex inclinato capite somnum simu- A. C. 997.  
lavit, vidensque Præsul se surdas au-  
res pulsare, recessit. Illico S. Nilus equum  
conscendit, & cum fratribus, qui eum  
secuti fuerant, tota nocte iter faciens ad  
suum monasterium reversus est.

## §. LI.

*S. Nili Monasterium prope Cajetam.*

Sanctus Nilus Monasterium in Valle lu- *Sup. §. II.*  
cis prope montem Cassinum relique- *vit. p. 146.*  
rat, postquam ibi annis ferme quindecim  
fuiſſet, quod hac familia numero, opi-  
bus, fama, aucta monachorum fervorem  
remittere, & Disciplinam corrumpi vi-  
deret, quam ruinam Manso Abbas mon-  
tis Cassini, vir avaritiæ deditus & pie-  
tatis inimicus neutiquam sustinebat.  
Quapropter S. Nilus ex illa Valle mi-  
grans locum quærebat, ubi monachi de  
labore manuum suarum vivere cogeren-  
tur, & paupertate in officio contineren-  
tur. Hinc a compluribus vicinis civita-  
tibus oblata Bona, & Monasteria ad habi-  
tandum jam prius præparata, acceptare  
noluit, quia, quod maxime optabat, so-  
litudinem, & procul ab hominum tumul-  
tu quietem non inveniebat. *Nam vita  
commoda, inquiebat, & ab omni cura vi-*  
*Hist. Eccles. Tom. XIII. A a etum*



Sæculum X.  
A. C. 998.

*Etum quærendi libera hujus ætatis monachis non convenit, quia dulci otio non ad orandum, contemplandum res Cælestes, & Sacram Scripturam pervolvendam utuntur, sed optimas horas confabulando, mala cogitando, & curiosa inquirendo perdunt. Cum vero manuum labore occupatur animus, pravae cogitationes & mala innumera fugantur. Denique nihil homini tam salutare, quam panem in sudore vultus sui comedere. Non nulli illorum Monachorum, quibus S. Viri rigor non sapiebat, in Valle lucis remanserunt; sed postea domesticis rixis divisi, nulli Magistro subjecti, & in omnem licentiam effusi, tandem omnes ex illo loco ejecti sunt.*

Interim S. Nilus cum Stephano & ceteris, qui discedentem secuti fuerant, loco quodam haud procul a Cajeta desertum, aridum & angustum invento, cum suo proposito aptum crederet, ibi sedem fixit. Initio quidem omnia deerant, sed brevi confluentibus pluribus fratribus abundantia successit ex labore continuo, cui frequentissimam Psalmodym, plurimas genuflexiones, abstinentiam voluntariam, & obedientiam sine repugnantia, jungebant. S. Senis fervor crescebat in dies deficientibus corporis viribus. Nihil enim sive ob infirmitates, si-

ve



ve ob decrepitam senectutem, quippe Sæculum X.  
A. C. 998.  
usque ad annum ætatis nonagesimum  
quintum pervenit, de consueto rigore  
relaxavit. Nunquam ante horam a Re-  
gula præscriptam vel cibum vel potum  
sumpsit, nunquam comedit carnes, nun-  
quam balneo usus est. Consuetudo ab-  
stinendi ita in alteram naturam transie-  
rat, ut eam violare, si voluisset, ne quidem  
potuisset. Sæpe a sensibus abstractus  
præsentes non videbat, interea aliquos  
Psalms, aut aliqua verba ex Liturgia,  
qualia sunt *Sanctus Sanctus!* recitans.  
Sibi postea redditus & interrogatus, ubi  
fuisset, aut quid ipsi accidisset, respon-  
debat: *Senex sum, fili mi, desipio, a Dæ-  
mone obsessus, nescio, quid faciam.*

Cum Principis Cajetani uxor mari-  
tum rogaret, ut se ad invisendum S. Ab-  
tem deduceret, *id prius ei per nuncium  
significemus*, ait Princeps, *ne offendamus  
Abbatem subito adventu nostro, ne fugiat,  
& tantum virum amittamus.* Quippe  
sciebant omnes, Nilum feminarum oc-  
cursum devitare, easque nunquam non  
ab aditu sui Monasterii arcere. Nuncio,  
Principes venturos indicanti, respondit:  
*Per Deum! parcite mihi. In Sæculo olim  
agens vexabar a Dæmone, postquam Mo-  
nachum indui, liberatus sum, sed quando*



Sæculum X. *feminam aspicio, iterum a Dæmone cru-*  
A. C. 998. *cior.* Hoc responso multo magis accen-  
 sa desiderio Sanctum videndi Princeps  
 rogare non cessavit, donec ei licentiam  
 veniendi dedit, ea lege, ne eam alia mu-  
 lier vel ancilla comitaretur. Ubi in con-  
 spectu fuit, Sanctus Vir de vitæ puritate,  
 de merito eleemosinæ, de timore Dei  
 differuit, & magno solatio refectam di-  
 misit. Cum Sæculi principibus colloqui  
 S. Nilo intolerabile videbatur, idque so-  
 licite cavebat, tanquam fomitem super-  
 biæ. Nullum ei, neque per literas, cum  
 viris potentibus commercium fuit, nisi  
 cum in rebus adversis consilio & auxilio  
 indigerent.

## §. LII.

*S. Romualdus apud Imperatorem.*

*Chro. Saxo.* **O**tto Imperator Festum Resurrectionis  
*ann. 998. vit.* Domini, quod hoc anno nongente-  
*S. Rom. n.* simo nonagesimo octavo in decimam se-  
 35. ptimam Aprilis incidebat, Romæ cele-  
 bravit, & octava die exacta arietes &  
 scalas admoveri iussit arci, in quam Cre-  
 scentius confugerat, nempe castro S. An-  
 geli, quod insuperabile credebatur. Ve-  
 ritus ergo, ne vi aperta destinata perface-  
 re non posset, opera usus est cujusdam  
 Germani, nomine Thammi, usque adeo  
 sibi cari, ut non modo eum mensæ adhi-  
 beret,